



Inatsisartuni ilaasortaq Hans Aronsen, Inuit Ataqatigiit

**Qasigiannuani aamma Kangaatsiami talittarfiit pillugit § 37 naapertorlugu
apeqquteqaammut nr. 2017-139-mut akissut**

24-05-2017
Sags nr.: 2017 - 10328
Dok. nr. 20311108

Apeqqtinut, Inatsisartut suleriaasianni § 37 naapertorlugu nassiussannut qujanaq.
Apeqqtit matuma kinguliani ataasiakkaarlugit akineqarput.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqt 1. Qasigiannuani fabrik-itoqqap talittarfia isaterneqarnissaa
pileraarutigineqarpa?**

Akissut:

Naamik, aalisariutinut talittarfiup (tunisassiorfiup talittarfiata) isaterneqarnissaa
pileraarutigineqanngilaq. Taamaattorli tunisassiorfiup tungaanut talittarfiup 20 meterip
missaanniittup ujaqqanik qaartiternerlukunik taarserneqarnissaa pileraarutigineqarpoq.
Talittarfiup taannartaata pisoqaanerungaatsiarnera taamaattumillu
aserfallangaatsiarsimanera tamatumunnga peqqutaavoq. Suliassat 2017-imi
suliarineqarnissaat naatsorsuutigineqarpoq. Suliassamut tassunga
isumaqatigiissusiortoqariarpat, suliassanut piffissamut pileraarut najukkami
umiarsualiviup pisortaanut nassiunneqassaaq.

**Apeqqt 2. Fabrik-itoqqap talittarfia isaterneqarniarpat qaqugu
aallartinneqassava?**

Akissut:

Apeqqt 1-imut akissut takuuk.

**Apeqqt 3. Kangaatsiami talittarfiup atorneqarnera ullumikkut qanoq
inissisimava?**

Akissut:

Talittarfik talittarfittut Namminersorlutik Oqartussanit pigineqartutut allatulli
pileraarutit, nassiussalerinermut, ilaasunik angallassinermut
inuussutissarsiornermullu atorneqarpoq. Kangaatsiami pingaartumik aalisarnermik
inuussutissarsiorneq aallunneqarpoq.

**Apeqqt 4. Qasigiannuani talittarfimmik atuineq annertusisimappat, talittarfillu
ullutsinnut naleqqukkunnaarsimappat nutaamillu sanasoqassappat
naalakkersuisunit pingaarnersiunerimi sallertut ilaatinneqarpa?**

Akissut:

Qasigiannuani talittarfimmik nutaamik sananissamik pileraaruteqartoqanngilaq.
Apeqqt 1-imut akissummi taaneqartutut talittarfiup pisoqartaa ujaqqanik
qaartiternerlukunik taarserneqartussaavoq, taamaalillunilu talittarfik 20 meterinik
naalineqassaaq. Kisianni talittarfiup atorneqarnini ingerlatiinnassavaa.

Talittarfiup pisoqartaani kraneqartoq ilisimavara, taannali Namminersorlutik Oqartussanit pigineqanngilaq. Suliami aalajangersimasumi matumani pissutsit immikkorluinnaq ittuunerat peqqutigalugu Namminersorlutik Oqartussat kranimik atuisartut oqaloqatiginerisigut nuunniarpaat. Tamatumani kranip nuunneqarnissani ajoqutigissanngikkaa apeqquataatinneqassaaq.

Inussiarnersumik inuulluaqqusillunga



Erik Jensen

INUIT ATAQATIGIIT

Inatsisartuni



9. maj 2017

Inatsisartut suleriaasianni § 37 naapertorlugu Naalackersuisunut imaattunik apeqquteqarpunga:

- 1. Qasigiannuani fabrik-itoqqap talittarfia isaterneqarnissaa pilersaarutigineqarpa?**
- 2. Fabrik-itoqqap talittarfia isaterneqarniarpat qaqugu aallartinneqassava?**
- 3. Kangaatsiami talittarfiup atornerqarnera ullumikkut qanoq inissisimava?**
- 4. Qasigiannuani talittarfimmik atuineq annertusisimappat, talittarfillu ullutsinnut naleqqukkunaarsimappat nutaamillu sanasoqassappat naalackersuisunit pingaarnersiunerme sallertut ilaatinneqarpa?**

(Inatsisartuni Ilaasortaq Hans Aronsen, Inuit Ataqatigiit)

Tunngavilersuut:

Qasigiannuani fabrik-itoqqap talittarfia innuttaasut iluaqutigilluarpaat aamma aalisariutaatillit iluaqutigilluarpaat inuussutissarsionermut atorlugu. Fabrik-ikup talittarfia isaterneqassappat illoqarfimmi inuutissarsionermut sunniuteqassaat tamaammat qulaani taaneqartut paaserusullugit Naalackersuisunut apeqquteqarpunga.

Kangaatsiami umiarsualivimmi talittarfik KNI A/S-mit, Arctic umiaq linemit, Royal Greenlandimit, Aalisartunit, siorartaammit pingaartumik atornerqarpoq, soorunami allarpassuarnit aamma atornerqarpoq. Aalisarneq sukkasuumik ineriartorpoq saarulleqarluarnera tunngaviulluni, aalisartullu aamma ineriartorusullutik pisariaqartitativik naleqartitavillu tunngavingalugit.

Talittarfik mikingineqalereernikuuvoq allaat usigiaanerni usilersornernilu inunnik ulorianarluinnalersimalluni.

Apeqqut ullut qulit iluanni akineqarsinnaaguni qujanassaqaq malitassaammammi.